

Bosna i Hercegovina
Federacija Bosne i Hercegovine
Tuzlanski kanton
GRAD GRAČANICA
GRADSKO VIJEĆE

Broj:
Gračanica,

Na osnovu člana 12. stav 3. Zakona o ministarskim, vladinim i drugim imenovanjima Federacije Bosne i Hercegovine («Službene novine Federacije BiH», broj : 12/03, 34/03 i 65/13), člana 64. Zakona o zdravstvenoj zaštiti («Službene novine Federacije BiH», broj: 46/10 i 75/13) i člana 8. Statutarne odluke o organizaciji Grada Gračanica u skladu sa Zakonom o Gradu Gračanica («Službeni glasnik Grada Gračanica» broj: 1/19) Gradsko vijeće na sjednici održanoj 2019. godine d o n o s i

R J E Š E N J E
o imenovanju člana upravnog odbora
Javne zdravstvene ustanove «Gradska apoteka» Gračanica

I

Mustafa Bašić, imenuje se za člana Upravnog odbora Javne zdravstvene ustanove «Gradska apoteka» Gračanica, iz reda predstavnika Ministarstva zdravstva TK-a, na period do isteka mandata ostalim članovima Upravnog odbora.

II

Rješenje stupa na snagu danom donošenja, a bit će objavljeno u «Službenom glasniku Grada Gračanica».

PREDSJEDAVAJUĆI
GRADSKOG VIJEĆA
Nihad Krajinović

O B R A Z L O Ž E N J E

Pravni osnov za donošenje Rješenja o imenovanju člana Upravnog odbora sadržan je u odredbama:

Člana 12. stav 3. Zakona o ministarskim, vladinim i drugim imenovanjima F BiH ("Službene novine Federacije BiH", broj 12/03, 34/03 i 65/13), propisano je da nakon što komisija za izbor dostavi prijedlog rang-liste kandidata odgovornom javnom službeniku on će, osim ako ima opravdane razloge (s dokazima koji to potvrđuju) da vjeruje da principi i procedure utvrđeni ovim zakonom nisu ispoštovani ili da bi imenovanje bilo kojeg od kandidata s predložene liste s užim izborom dovelo do sukoba interesa, osigurati da se izvrši konačno imenovanje kandidata koji je prvi na rang-listi u skladu s postojećim zakonima, pravilima i propisima. Ukoliko se ne može izvršiti konačno imenovanje kandidata koji je prvi na listi zbog bilo kojih razloga navedenih u ovom stavu, kandidati koji su rangirani kao sljedeći na listi s užim izborom bit će razmatrani za imenovanje.

Člana 64. Zakona o zdravstvenoj zaštiti («Službene novine Federacije BiH», broj: 46/10 i 75/13) kojim je propisano da Upravni odbor zdravstvene ustanove u svojini općine ima tri člana i čine ga predstavnici:

- osnivača - jedan član;
- stručnih radnika zdravstvene ustanove - jedan član;
- kantonalnog ministarstva - jedan član.

Člana 8. Statutarne odluke o organizaciji Grada Gračanica u skladu sa Zakonom o Gradu Gračanica («Službeni glasnik Grada Gračanica» broj: 1/19) propisano je da Gradsko vijeće imenuje upravne odbore i nadzorne odbore u javnim preduzećima i javnim zdravstvenim ustanovama čiji je osnivač Grad u skladu sa odredbama zakona iz ove oblasti i odredbama Zakona o ministarskim, vladinim i drugim imenovanjima u Federaciji BiH.

Razlog za donošenje Rješenja :

Rješenjem Gradskog vijeća Gračanica broj: 01-05-02113-2019 od 11.06.2019. godine, za člana Upravnog odbora Javne zdravstvene ustanove «Gradska apoteka» Gračanica imenovan je Dr.spec. Amir Azabagić iz reda predstavnika Ministarstva zdravstva TK-a, do okončanja provođenja procedure u skladu sa Zakonom o ministarskim, vladinim i drugim imenovanjima, a najduže tri mjeseca.

Ministarstvo zdravstva Tuzlanskog kantona objavilo je Javni oglas za izbor kandidata za jednog člana upravnog odbora JZU «Gradska apoteka» Gračanica, predstavnika Ministarstva zdravstva Tuzlanskog kantona.

Nakon provedene procedure za imenovanje člana Upravnog odbora aktom Ministarstva zdravstva broj : 13/1-37-111791-6/19 od 08.07.2019. godine, za jednog člana Upravnog odbora JZU «Gradska apoteka» Gračanica, ispred Ministarstva zdravstva Tuzlanskog kantona, predloženo je imenovanje kandidata Mustafe Bašića

U prilogu ovog Rješenja dostavljamo /prijedlog Ministarstva zdravstva Tuzlanskog kantona broj : 13/1-37-111791-6/19 od 08.07.2019. godine.

Predlaže se Gradskom vijeću da usvoji Rješenje u predloženom tekstu.

PREDLAGAČ
GRADONAČELNIK
Nusret Helić